

# 大象傳

## 《䷀乾》 一、乾為天

象曰。天行健。君子以自彊不息。

## 《䷁坤》 二、坤為地

象曰。地勢坤。君子以厚德載物。

## 《䷂屯》 三、水雷

象曰。雲雷屯。君子以經綸。

## 《䷃蒙》 四、山水

象曰。山下出泉。蒙。君子以果行育德。

## 《䷄需》 五、水天

象曰。雲上於天。需。君子以飲食宴樂。

## 《䷅訟》 六、天水

象曰。天與水違行。訟。君子以作事謀始。

## 《䷆師》 七、地水

象曰。地中有水。師。君子以容民畜眾。

## 《䷇比》 八、水地

象曰。地上有水。比。先王以建萬國。親諸侯。